

PPIB UMS bantu penghuni penjara dengan aktiviti SULAM

UB 27.06.2024 P.07

KOTA KINABALU: Pusat Penataran Ilmu dan Bahasa (PPIB) Universiti Malaysia Sabah (UMS) mengadakan aktiviti pengintegrasian ‘Service Learning Malaysia-University for Society’ (SULAM) bagi membantu rehabilitasi penghuni penjara.

Ia dilaksanakan menerusi Program Pemindahan Ilmu (KTP) dan inisiatif Tanggungjawab Sosial Korporat (CSR) di Pusat Reintegrasi Penghuni, Tuaran baru-baru ini.

Ketua Penyelidik Mammal Hidupan Pengintegrasikan Komuniti Tertumpu UMS Dr. Esther Jawing berkata, program anjuran bersama Jabatan Penjara Malaysia itu bertujuan membantu rehabilitasi penghuni penjara yang akan kembali berintegrasi dengan

komuniti luar setelah selesai menjalani hukuman.

Katanya, program itu turut menggabungkan hasil pembelajaran kursus ‘English for Employment’ oleh pelajar-pelajar UMS melalui khidmat komuniti untuk membantu rehabilitasi penghuni penjara agar dapat berintegrasi kembali dengan komuniti luar.

“Dengan sokongan komuniti, penghuni penjara mempunyai peluang yang lebih baik untuk kembali ke dalam masyarakat dengan cara yang positif dan produktif.

“Pengintegrasian SULAM dalam KTP dan CSR meningkatkan impak komuniti, pendidikan pelajar, dan kerjasama institusi melalui projek kolaboratif yang disokong oleh bimbingan fakulti serta pakar industri.



KENANGAN: Oliver merakamkan kenangan bersama delegasi dari UMS.

“Sinergi ini juga menyelarasakan usaha CSR dengan Matlamat Pembangunan Mampan (SDGs), di mana pihak industri menyumbang sumber daya dan kepakaran untuk projek

komuniti yang memberi impak positif dan memperkuatkan pendidikan holistik bagi pelajar dan komuniti,” katanya.

Sementara itu, Timbalan Penguasa Penjara Sabah dan

Wilayah Persekutuan Labuan Oliver Girih Jiniu berkata, aktiviti komuniti bersama penghuni penjara amat digalakkan kerana ia membantu pemulihan sosial serta men-

gurangkan stigma terhadap bekas penghuni penjara.

“Melalui interaksi ini, penghuni penjara dapat memupuk sikap positif, mengurangkan kadar jenayah ulangan, dan menjaga kebajikan emosi dan mental mereka.

“Dengan sokongan komuniti, penghuni penjara mempunyai peluang yang lebih baik untuk kembali ke dalam masyarakat dengan cara yang positif dan produktif,” katanya ketika berucap merasmikan majlis itu.

Hadir sama, Penolong Penguasa Penjara di Pusat Reintegrasi Penghuni Tuaran Onasis Abdul Husin dan Penyelaras Gugusan Bahasa Inggeris sebagai wakil projek SULAM dari PPIB UMS, Prof. Madya Datin Dr. Veronica P. Atin.